

## НА ВЕЛИЦЕЙ ВЕЧЕРНЕ

Блажен муж: 1-й антифён.

На Господи возвах, стихирь, глас 4:

Подобен: Дал еси знамение:

Божественными дѣтелями соблюдаючи и покрываючи от вражиих нахождений, любовию празднующия преславное явление пречистаго образа Твоего, зовущия Ти: Ты еси Крепость наша и Утверждение, и радование боголепное, Един Сын Твой и Бог наш, Емуже поклоняющесе глаголем: Иисусе Всесильне, спаси души наша, яко Милосерд.

Днесь священно собравшесе похвалим Богородицу: Пресвятая Дево, многая Твоя величия и чудес пучина: Ты бо еси нам Святое ограждение и похвала и Слава и Источник исцеления: празднующе явление святаго Твоего образа, молимся глаголюще: Иисусе Всесильне, спаси души наша, яко Милосерд.

Благочестивно, Пречистая, честными Твоими молитвами, оградѣ и сохрани, и страшны врагом и неработны яви, творящия празднество явления честнаго образа Твоего, да Сыну Твоему зовем: Иисусе Всесильне, спаси нас, яко Милосерд.

Слава и ныне, глас 6:

Яко венцем пресветлым, Пречистая Богородице, явлением образа Твоего, Церковь Божия обложися, и светится радуящися, днесь тайно ликует, вопиючи Тебе, Владычице: радуйся, диадимо честная, и вѣнче Божественная славы. Радуйся, едина славы Исполнение, и вѣчное веселие. Радуйся, к Тебе прибегающим Пристанище, Предстательнице и Спасение душ наших.

Вход. Прокимен дне. И чтѣния три.

Бытия чтѣние. [Глава 28]

Изъиде Иаков от студенца клятвеннаго, и иде в Харрань. И обрете место, и спа тамо. Зайде бо солнце: и взят от камня места того, и положи возглавие себе, и спа на месте оном, и сон виде. И се лѣствица утверждена на земли, еяже глава досязаше до небес, и Ангели Божии восходяху и низходяху по ней. Господь же утверждашеся на ней, и рече: Аз Бог Авраамов отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семя твое яко песок земный, и распространится на море, и ливу, и север, и на востоки: и возблагодарят о тебе вся колена земная, и о семени твоём. И се Аз с тобою сохраняяй ты на всяком пути, а може аще пойдеш: и возвращу ты в землю сию, яко не имам тебе оставити, дондеже сотвориши Ми вся, елика глаголах тебе. И востал Иаков от сна своего, и рече: яко есть Господь на месте сем, аз же не ведех. И убойся, и рече: яко страшно место сие, несть сие, но дом Божий и сия врата Небесная.

## Пророчества Иезекиилева чтение. [Главы 43 и 44]

Тако глаголет Господь: будет от дне осмаго и прочее, сотворят иереи на олтарі всеожжения вашего, и яже спасения вашего, и приму вы, глаголет Адонай Господь. И обрати мя на путь врат святых внешних, зрящих на востоки, и сия бяху затворена. И рече Господь ко мне: врата сия затворена будут, и не отверзутся, и никтоже пройдет сквозе их, яко Господь Бог Израилев пройдет ими, и будут затворена. Яко Игумен сядет в них снести хлеб, по пути еламских врат вйдет, и по пути его изыдет. И введе мя по пути врат святых сущих к северу, прямо храму, и видех, и се исполнь славы храм Господень.

## Притчей чтение. [Глава 9]

Премудрость созда себе дом, и утверди столпов семь. Закла своя жертвенная, и растворил в чаши своей вино, и уготова свою трапезу. Посла своя рабы, созываючи с высоким проповеданием на чашу глаголющи: Иже есть безумен, да уклонится ко мне. и требующим ума рече: Приидите, ядите мой хлеб, и пейте вино, еже растворих вам. Оставьте безумие, и живи будете, и взыщите разума, да поживете, и исправите разум в ведении. Наказуяй злыя, примет себе безчестие: обличаяй же нечестиваго, опорочит себе, обличения бо нечестивому раны ему. Не обличай злых, да не возненавидят тебе: обличай премудра, и возлюбит тя. Дажь премудрому вино, и премудрший будет: сказуй праведному, и приложит приимати. Начало премудрости, страх Господень, и совет святых, разум. Разумети бо закон, помысла есть благаго: сим бо образом многое поживеши время, и приложатся тебе лета живота.

## На стиховне стихиры, глас 3:

Приидите, вси концы земли, честное явление образа Божия Матере ублажим: ибо руке к Сыну воздеючи молится: темже святым явлением иконы Ея мир оживлен бысть: псалмы и пеньми и песнями духовными, со всеми святыми празднуем светло.

**Стих:** Приведутся девы в след Ея: и искренния Ея приведутся Тебе.

Вельми доброю украси Тя Бог, яко в человецех Свет на руку Твою: Яже едина во Свете Его, Упование христианом, Помощница сущим в нуждах и скорбех, и Пристанище в пучине труждающимся: моли избавитися от напастей, любовью поущим явление образа Твоего всечестнаго.

**Стих:** Слыши, Дщи, и виждь, и приклони ухо Твое.

Всечестное явление иконы Твоея, Пресвятая Дево Чистая, ангел множество на Небесех, и человеческий род на земли блажит: яко Мати бысть Творца всех Христа Бога. Того молящи за ны не претай молим Тя, иже на Тя с Богом упование возложихом, Богородице Препетая и Неискусобрачная.

**Сла́ва и ны́не, глас 2:**

**Мы́сли очы́стивши и ум, со а́нгелы и мы торжеству́ем свѣтло, начина́юще Дави́дскую песнь Отрокови́це Невѣсте всех Царя́, Христа́ Бо́га на́шего: воскресни́, Го́споди, глаго́лющи, в поко́й Твой, Ты, и Киво́т святы́ни Твоея́. Якоже пала́ту красну́ Сию́ украси́л еси́, и причѣл еси́ Ю́ гра́ду Твоему́, Влады́ко, стрѣити и покрыва́ти от сопоста́тных пога́н держа́вною си́лою, То́я моли́твами.**

**Тропа́рь пра́зднику, во уста́ве.**

**А́ще ли несть уста́ва, глаго́ли сей тропа́рь, глас 4:**

**К Богоро́дице приле́жно ны́не притеце́м, грѣшнии и смире́ннии, и припаде́м, в пока́янии зову́ще из глуби́ны душі́: Влады́чице, помози́, на ны́ милосѣрдовавши: потщи́ся, погибáем от мно́жества прегрешéний: не отврати́ Твоя́ рабы́ тщи, Тя бо и еди́ну наде́жду има́мы.**

**Сла́ва, и ны́не:**

**Не умолчи́м никогда́, Богоро́дице, си́лы Твоя́ глаго́лати, недостой́нии: а́ще бо Ты не бы предсто́яла моля́щи, кто бы нас изба́вил от толи́ких бед? Кто же бы сохра́нил до ны́не свободо́ны? Не отступи́м, Влады́чице, от Тебе́, Твоя́ бо рабы́ спаса́еши при́сно от вся́ких лю́тых.**

**НА УТРЕНИ**

**На Бог Госпо́дь: тропа́рь Богоро́дице два́жды.**

**Сла́ва и ны́не: Не умолчи́м никогда́: еди́ножды.**

**По 1-й кафисме седа́лен, глас 4.**

**Подобен: Яви́лся еси́ днесь:**

**Заря́ми просия́ всеми́рная ра́дость, явлéния пречу́днаго о́браза Твоего́, Де́во Ма́ти Маріе: на земли́ просвети́ мы́сли любóвию пою́щих Тя.**

**Сла́ва, и ны́не, то́йже.**

**По 2-й кафисме седа́лен, глас 4.**

**Подобен: Удиви́ся:**

**Де́ва Марія Богоро́дица вои́стинну, я́ко о́блак свѣтлый нам возсия́. ктому́ Ада́м не осужда́ется, и Е́ва от уз свободи́ся. сего́ ра́ди и мы зове́м, вопю́ще с дерзнове́нием Еди́ней Чы́стей: Пресвята́я Де́во, моли́ Сы́на Твоего́, подати́ грехо́в оставле́ние.**

**Сла́ва и ны́не, то́йже.**

**По Хвали́те и́мя Госпо́дне:**

**Велича́ем Тя, Пресвята́я Де́во, Богоизбра́нная Отрокови́це, и чтим о́браз Твой святы́й и́мже то́чиши исцелéния всем с ве́рою притека́ющим.**

**Псалом избра́нный: Помяни́, Го́споди, Дави́да, и всю кро́тость его́.**

**По полиелéи седа́лен, глас 1.**

**Подобен: А́нгельския си́лы:**

**Девя́ческаго Твоего́ чре́ва кра́сен Клас я́влься, израсти́ла бо еси́ ми́рови Жизнь. Сего́ ра́ди си́лы небесны́я вопи́ют Тебе́ Богоро́дице,**

сла́вяще честно́е Твое́ прáзднество, Пречы́стая: сла́ва явлéнию о́браза Твоегó: сла́ва дéвству Твоему́, Мáти Безневéстная.

**Сла́ва и ны́не, то́йже.**

**Степéнна, 1-й антифóн 4-го глáса.**

**Прокíмен, глас 4: Помяну́ имя Твое́ во вся́ком рóде и рóде.**

**Стих: Отры́гну сéрдце мое́ сло́во блага́, глаго́лю аз дела́ моя́ Царéви.**

**Всякое́ дыха́ние: Евангелие от Луки, 4-е зачáло.**

**По 50-м псалме́, стихи́ра, глас 6:**

Днесь небéсная врата́ отверза́ются, и дверь Божéственная предгряде́т. Днесь ра́дости благода́ть начина́ется, явлéнием мíрови пречу́дныя ико́ны Бóжия Мáтере: Ё́уже земна́я с небéсными совокупа́ются, во спасéние душáм нáшим.

**Канóн Пресвяте́й Богороди́це, глас 8.**

**Ирмосы́ по два́жды: тропари́ на 12.**

**Песнь 1.**

**Ирмо́с: Вóду проше́д я́ко су́шу, и егíпетскаго зла избежа́в, израильтя́нин вопия́ше: Изба́вителю и Бóгу нáшему по́йм.**

Бóжиею сíлою благочéстно укрепí мя, ра́достно пéти явлéние честна́го о́браза Твоегó, Пречы́стая, заступлéние гра́ду Твоему́ и всем лю́дем Тво́йм держа́ву неразрушíму, Пресвята́я, и ста́ду Твоему́ утвержде́ние.

Благосты́ню и мýлость почерпа́ем Тво́ими моли́твами: Ты бо Бóга Сýльнаго родила́ еси́, спаса́ющая вся благове́рныя моле́нием Тво́йм, Пренепоро́чная. Егóже ра́ди Тя ублажа́ем вси, Влады́чице.

Божéственное явлéние пресвята́го о́браза Твоегó, прáзднующе, Пречы́стая Богороди́це, Тобо́ю спасéние нетлénно дарова́ся, и неразрушíмо весéлие и наде́жда, покрóв и держа́ва, и душáм нáшим прибе́жище.

Под Тво́й кров притека́ем, Влады́чице, лю́дие Твои, Пренепоро́чная, помо́щница бóди нам рабо́м Тво́йм, и спасéнию проше́ние подаю́щи, любóвию пою́щим Тя.

**Катавасия: Отве́рзу уста́ моя: или по уставу.**

**Песнь 3.**

**Ирмо́с: Небéснаго крýга Верхотво́рче Го́споди, и Це́ркве Зиждíteлю, Ты мене́ утверди́ в любви́ Твоéй, желáний кра́ю, ве́рных утвержде́ние, Еди́не Человеколю́бче.**

Ве́рою сeрдца́ обновím, явлéнием ико́ны святы́я Богороди́цы, всем подава́я ве́рою прося́щим избавлéния, от враг ви́димых и неви́димых нас соблюди́, Пречы́стая.

Освяща́еши благочéстно, ве́рно притека́ющих ко хра́му Твоему́, и припада́ющих любóвию, ко пречы́стому о́бразу Твоему́: изба́ви нас от вся́ких бед, и мýлостива сотвори́ нам Сы́на Твоегó и Бóга нáшего.

Из Тебѣ Божію Сло́ву вопло́щшуся, и дом сотвори́ Себѣ во святѣм чрѣве Твоѣм, и изво́ли роди́тися, я́коже восхотѣ, и дарова́ нам день ви́дети явлѣния о́браза Твоего́, Егѡ́же любѡ́вию прѣзднующе, мо́лимся Ти.

Ра́достными душа́ми, и в весѣлии се́рдца, при́ймше ум к честно́му и Божѣ́ственному явлѣ́нию предѣ́вныя ико́ны Твоея́, и вси ве́рнии мо́лим Тя, Богоро́дице, я́ко Пречи́стому Сы́ну Твоему́ млеко́ подала́ еси́, Ё́же нас пита́вый ми́лостію Своѣю.

**Ин конда́к, глас 6:**

Не има́мы инѣ́я по́мощи, не има́мы инѣ́я наде́жды, ра́зве Тебѣ, Влады́чице. Ты нам помози́: на Тебѣ́ наде́емся и Тобо́ю хва́лимся, Твой бо есмь ра́бъ, да не постыди́мся.

**Седáлен, глас 4:**

Цѣрковь Твоя́ свѣ́тло прѣзднует Твоего́ сла́внаго о́браза явлѣ́ние, и вси ве́рнии, пою́ще, зове́м Ти приле́жно, Чи́стая Дѣ́во: вся ве́рныя укрепи́ на вра́жию си́лу, и сове́ты беззако́нных разори́: и живѡ́т наш напра́ви, твори́ти Божѣ́ственную во́лю Сы́на Твоего́.

**Сла́ва и ны́не, то́йже.**

**Песнь 4.**

**Ирмо́с:** Услы́шах, Го́споди, смотре́ния Твоего́ та́инство, разуме́х дела́ Твоя́, и просла́вих Твоѣ́ Божество́.

Ты у́бо, Дѣ́во Чи́стая, к Свѣ́ту незаходи́мому прише́дши помяни́ нас, моля́щи Сы́на Твоего́ и Бо́га на́шего, честное́ явлѣ́ние ико́ны Твоея́ прѣзднующих, пода́ти грехѡ́в оставле́ние.

Я́коже со́лнце светоза́рное, не́бо преходя́щи сияет, и Твой Божѣ́ственный прѣздник лучы́ испу́щает: страсте́й же мглу́ от нас отгоня́я, да́рует душа́м на́шим очище́ние, и от бед свобождѣ́ние.

Ны́не мрак зло́бный потреби́ся, и со́лнечный и душе́вный свет возсия́, Всенепоро́чныя Божія́ Ма́тере, прѣздник честна́го явлѣ́ния о́браза Ея́, егѡ́же благоче́стно прѣзднуем.

Прибе́жище вели́кое и похвала́, Пречи́стая и Пренепоро́чная Ма́ти Всепе́тая: Ты Киво́т у́мныя Святы́ни, Ты целѣ́б Исто́чник неисчерпа́емый, чту́щим честное́ явлѣ́ние о́браза Твоего́.

**Песнь 5.**

**Ирмо́с:** Вску́ю мя отрину́л еси́ от лица́ Твоего́, Свѣ́те Незаходи́мый, и покрýла мя е́сть чужда́я тьма ока́яннаго, но обрати́ мя и к свѣ́ту за́поведей Твои́х путы́ моя́ напра́ви, молю́ся.

Исполня́ется святы́ни вся́ческая, к Тебѣ́ прибега́ющим и проще́ние ве́рнии приѣ́млюще, прѣзднуем честное́ явлѣ́ние ико́ны Твоея́, в не́йже мо́лим Тя, пода́ти нам благода́ть и ми́лость в день судный.



Украсілася есі дѣвства чистотою, рѣдшая краснаго Сына Твоего и Бога нашего: украси праздник явленія честнаго образа Твоего, и священнический чин возвесели, и люди Твоя от всяких бед свободи.

Яко другій рай всем познаётся, стяжавый посредѣ благоуханія цвет, Твой честный праздник, Божиим благоуханіем верных сердца исполняет, иже любовь члущих Тя, Пренепорочная Владычице.

Облак была еси, Дѣво, дождю Божию, Пренепорочная Владычице, воду спасительную испущаючи, землю грехми изсохшую напоивши, приводящи плод творенію добродѣтели: сего ради ублажаем Тя.

### **Песнь 6.**

**Ирмос:** Очисти мя Спасе, многа бо беззаконія моя, и из глубины зол возведи молюся: к Тебѣ бо возопих, и услыши мя, Боже спасенія моего.

Прежде всех век Сущаго, яко отроча родила еси, и наша сердца обновила еси, многими грехи обетшавшая: и обновленіе приими нашего пенія, приносящее Твоему празднику, Богородице Приснодѣво.

Церковь Твоя Святая, дивна вправду есть, еже пречистое явленіе иконы Твоея в ней благочестно празднуем, и всем сердечная подаваеши исцеленія, блажатым Тя, Пречистая, и от всяких бед соблюди рабы Твоя.

Душа всяка веселится, сошедшея в церковь Твою, и Твой празднуем праздник, поюще, Дѣво Богородице, честное явленіе образа Твоего, яко солнце светящееся, и света сияющее Божия Духа благодатию, и нас озари, и просвети сердца наша, Дѣво Мати Владычице.

Поём пречистое явленіе иконы Твоея, и чтим Непорочное Твое зачатіе, и Рождество Твое, Богоневесто Отроковице: славят же с нами ангельстии чинове и всех святых ликове.

**Таже кондак прилучившагося праздника.**

**Аще ли несть, глаголи сей кондак, глас 1:**

Честное жилище бывшее неизреченнаго естества Божественнаго, выше слова и паче ума, и грешным еси Споручница, подаваеши благодать и исцеленіе, яко Мати всех Царствующаго: моли Сына Твоего, получи ти нам милость в день судный.

**Икос:** К Богородице вопіем любовь: радуйся, Граде Господень. Радуйся, скиптре Давидов. Радуйся, Палато одушевленная. Радуйся, ручко Божественныя манны. Радуйся, неопалимая Купино. Радуйся, свѣщнице златый. Радуйся, свеще неугасимая. Радуйся, горю Божия приосененная. Радуйся, огненосный Престоле. Радуйся, лѣстнице и дверь небесная. Радуйся, жезле Ааронов невлажно прозябый. Радуйся, всех спасаючи от всяких бед и скорбей, и моли, Пречистая, Сына Твоего, получи ти нам милость в день судный.

## Песнь 7.

**Ирмос:** Божия снизхождения огонь устыдеса в Вавилоне иногда, сего ради отроцы в пещи радованною ногою, яко во цветнице ликующе, пояху: благословен еси, Боже отец наших.

Царица всех пришедши, Небесный кров на славу нам устави, праздника Божественного явления образа Своего, имже спасаемся от невидимых враг нахождения, к Сыну Твоему вопиюще: благословен Бог отец наших.

Рождеством Твоим, Госпоже Богородице Дево, и всеми Твоими праздники, круг лета венчаяся: и ныне украси день честного явления святых икон Твоея, благодать источающи, мы же вси вернии во храм Твой притекающе.

Вся Силы Небесныя восхваляют Родшую Господа, и роди человечести прославляют Ю, явльшую нам день честного явления предивного образа Своего, Прибежище наше, Надежда и Покров, и ограждение от вражиих находений.

Благодатный облаче, окропи нас свыше росю Благодати и милости Твоея, чтущих день праздника славного явления честных икон Твоея, егоже поет и славит всяка душа радующися: благословена Ты в женах, и благословен плод чрева Твоего.

## Песнь 8.

**Ирмос:** Безначального Царя Славы, Егоже трепещут Небесныя Силы, пойте священницы, людие, превозносите во вся веки.

Царица еси всех единая Богу, Богородительнице Чистая, Святей Престол и палата Христа Бога: Егоже моли о чтущих честное явление образа Твоего, подати грехов оставление.

Руками святыми истинно понесла еси, в Тебе воплотившаго Господа, на земли, Преславная: и ныне вошла еси превыше небес, и оставльши человеком пресветлый день честного явления славного образа Твоего, вонже славим поюще: Господа пойте, и превозносите Его во веки.

Божественнии играйте пророцы, чтуще Девы Богородицы честное иконы явление: Та бо исполни всех речения, вами сказуемаго рождши Христа всех Царя: Егоже превозносим во веки.

Падшым востание, унывающим радование, заблудшым Наставнице, болящим посещение и исцеление и всем христианом Спасение: соблюди нас, Госпоже, вопиющих и чтущих явление пречестного образа Твоего, и избави нас от иноплеменных нахождения.

## Песнь 9.

**Ирмос:** Устрашися всяк слух неизреченна Божия снизхождения, яко Вышний волею сниде даже и до плоти, от девического чрева быв Человек: темже Пречистую Богородицу вернии величаем.

Пресла́вная глаго́лашася о Тебе́, Гра́де Бо́жий, и прѣсно Ца́рствующаго небѣсными и земными́, от Тебе́ Ро́ждшагося, и от земли́ Тя на Не́бо возведша: Емуже́ непреста́нно моли́ся о чту́щих честное́ явлѣние свята́я ико́ны Твоея́, с нимже́ Тя велича́ем.

Безплотныхъ чи́нове, патриа́рх собо́р, и апо́столов Божѣ́ственный соста́в, проро́ческий лик, и му́ченичестии полцы́, святи́телей и преподо́бных оте́ц ли́ки, и вси святи́и, веселѣ́тесь с нами́, пра́зднующе явлѣние пречу́даго о́браза Бо́жия Ма́тере, и велича́юще.

Вся́ческая освяти́ла еси́ Рождество́м Твои́м, Пречи́стая Дѣво, и явила́ еси́ бо́льшее просвещѣ́ние, пречестны́й день явлѣ́ния свята́я ико́ны Твоея́: егоче́ пра́зднующе, Тебе́ велича́ем.

Вознеси́ рог правосла́вных христиа́н, Богороди́тельнице Пречи́стая: невоева́ны соблюди́ гра́ды Твоя́, и вся страны́ христиа́нския сохрани́, в нихже́ вели́кое Твое́ имя́ и многосла́вное велича́ется, и ве́рно сла́вится от всех, Влады́чице Чи́стая.

**Свети́лен.**

**Подобен:** Жены́ услышите:

Ада́ме, обновѣ́йся, и Е́во весели́ся, проро́цы со апо́столы, и му́ченики ликовствуй́те, и преподо́бнии со святи́тели веселѣ́тесь: ѿбо ра́дость и весѣ́лие, А́нгелом же́ и челове́ком дѣ́вное явлѣ́ние о́браза Пречи́стыя Богороди́цы Мари́и. [Трижды.]

**На хвалитехъ стихиры, гласъ 1:**

Исто́чник свѣ́та, и пото́к свѣ́тлости неисто́щмый, принося́ще пра́здник явлѣ́ния пречу́дныя ико́ны Твоея́, Сего́́ убо моли́, Богороди́це, неразу́мيا тьмы изба́вити мя, и страсте́й душе́вных же́ и телѣ́сных, и в бу́дущем ве́це безконѣ́чныя му́ки изба́ви нас. [Дважды.]

Исто́чника прему́дрости благія́, разу́ма же́ пучи́ну и благода́ти: тем тя́ бездну́ Ипоста́сная Бо́жия Прему́дрость, Богороди́це, показá пра́здник явлѣ́ния свята́го о́браза Твоего́́, из Тебе́ плоти́ю рождѣ́йся. Егоче́ ра́ди ка́плю ми прему́дрости Твоея́ и разу́ма пода́ждь, и к жи́зни наста́ви мя.

Начáло та́йных Хри́стовыхъ чу́дес, Влады́чице, стра́шну ви́девше главѣ́зну, честное́ исполне́ние свята́го Твоего́́ о́браза пра́здник, и Божѣ́ственных чудѣ́с, почита́ем и покланя́емся: от болѣ́зней и скорбе́й посети́, Настáвнице, и бу́дущаго, Богороди́це, изба́ви нас мучѣ́ния.

**Слава и ныне, гласъ 8:**

Богороди́цу Мари́ю вси воспой́м: раду́йся, Ма́ти Бо́жия. Раду́йся, ле́стнице одушевлѣ́нная и разу́мная. Раду́йся, купино́ неопали́мая. Раду́йся, ста́мно Всесвята́я. Раду́йся, цвѣ́те ве́ры. Раду́йся, же́зле прозя́бший. Раду́йся, злата́я кади́льнице. Раду́йся, горó Бо́жия присѣ́нная Дѣво. Раду́йся, разреше́ние пѣ́рвыя Е́вы. Раду́йся, Престо́ле Бо́жий. Раду́йся, многомѣ́лостивая Красото́. Раду́йся, Влады́чице.

**Славословие великое и отпуст.**



## НА ЛИТУРГИИ

Блаженна от канона, песнь 3-я и 6-я.

Прокимен, песнь Богородицы, глас 3: Величит душа Моя Господа, и возрадовася дух Мой о Бозе Спасе Моём.

Стих: Яко призрѣ на смиреніе рабы Своея, се бо отныне ублажат Мя вси рѣди.

Апостол к филиппием, зач. 240

Аллилуиа, глас 8: Слыши Дщи и вѣждь, и приклони́ у́хо Твое.

Стих: Лицѹ Твоемѹ помѡлятся богати́и лю́дстии.

Евангелие от Луки, зач. 54.

Причастен: Чашу спасенія прииму́ и имя́ Господне призову́.

Молитва

Цари́це моя преблагая, наде́ждо моя Богородице, приятелище си́рых и стра́нных предста́тельнице, скорбящих ра́досте, обидимым покрови́тельнице! Зри́ши мою́ бедѹ, зри́ши мою́ скорбь, помози́ ми я́ко немо́щну, окорми́ мя я́ко стра́нна. Обиду́ мою́ ве́си, разреши́ ту, я́ко во́лиши: я́ко не има́м ины́я по́мощи ра́зве Тебе́, ни ины́я предста́тельницы, ни благія́ утѣшительницы, то́кмо Тебе́, о Богома́ти, я́ко да сохрани́ши мя и покрѣиши во ве́ки веко́в. Ами́нь.

*Служба составлена на основе службы Минеи общей - праздника Богородичным. Можно взять за образец в том случае, если нет особой службы Богородице в честь Ея иконы, память явления которой празднуем.*